

SCRIPT OF EVENING GOJRI NEWS BULLETIN 24JULY 2026 1700HRS

اوننگ گوجری نیوز بولین 24 جولائی 2026

یوہ آکاشوانی جموں ہے عبیدالرحمان تے نصرت تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے بیرواہ مانہ شہید حوالدار عاشق حسین قریشی غا کُنبہ نال ملاقات کرغے تعزیت غو اظہار کیو بے تے شہید ہویا پولیس اہلکار نانہ خراج عقیدت پیش کیو بے۔
- ۲۔ سرکار نے ایکو سیاحتی پالیسی نانہ 6 مہینہ غے اندر مکمل کرغے جاری کرن غو اعلان کیو بے۔
- ۳۔ مرکز نے دسیو بے کہ جموں ضلع غے اندر تقریباً 66 فی صد گھراں مانہ پین غا ساف پانی گا کنیکشن دستیاب ہیں۔
- ۴۔ مرکز نے دسیو بے کہ 7 سو 20 کلو میٹر لمائی گا 38 قومی شاہراہ پروجیکٹ جموں کشمیر غے اندر زیر تعمیر ہیں تے گزشتہ 3 براں مانہ 3 سو 89 کلو میٹر لمائی آلا 22 پروجیکٹ مکمل کیا گیا ہیں۔
- ۵۔ جموں خطہ گا بیشتر علاقان مانہ پاری بارشاں غو سلسلو اج تیجے روز وی جاری رہیو ، خراب موسم غے پیش نظر جموں سرینگر قومی شاہراہ نانہ اج گڈیاں غی آو جائی وستے بند رکھیو گیو بے۔

LG MARTYR'S FAMILY

لیفٹیننٹ گورنر منوج سنہا نے اج ضلع بڈگام مانہ جموں کشمیر پولیس غا شہید ہویا حوالدار عاشق حسین قریشی غا گھر غو دورو کیو تے سوگوار کُنبہ نال ملاقات کرغے ڈنگا دکھ غو اظہار کیو بے۔ لال پورہ غا بیرواہ علاقہ تیں تعلق رکھن آلا اس شہید نانہ خراج عقیدت پیش کرتا واں ایل جی موصوف نے متاثرہ کُنبہ غی ہر ممکن مدد غی یقین دہانی کرائی ہے۔ سماجی میڈیا ور جاری ایک پوسٹ مانہ ایل جی موصوف نے کہیو بے کہ وے شہید پولیس اہلکار غا اہل خانہ نال ملیا تے ڈیوٹی غے دوران ہوئی اس بہادر پولیس اہلکار غی شہادت ور تعزیت تے خراج عقیدت پیش کیو۔ ایل جی موصوف نے کہیو کہ شہید فوجی حوالدار غی اس قربانی نانہ ہمیشہ یاد رکھیو جے غو تے شہید غی ہمت تے حوصلو ہمیشہ مشغل راہ غے طور دیکھیو جے غو۔ انہاں نے کہیو کہ دکھ غی اس گھڑی مانہ پورو ملک شہید نانہ خراج عقیدت پیش کر رہیو بے تے اس مشکل گھڑی مانہ پوری قوم متاثرہ کُنبہ غے نال کھلی ہے۔

ECO TOURISM POLICY

جموں کشمیر سرکار ایک ایکو سیاحتی پالیسی تشکیل دے رئی ہے جہڑی جے اگلا 6 مہیناں غے اندر مکمل کرغے جاری کردتی جے غی۔ آکاشوانی جموں غا نمائندہ نے خبر دتی ہے کہ سیاحت محکمو اس وقت جموں کشمیر ایکو سیاحتی پالیسی تشکیل دین غا عمل مانہ سرگرم ہے تاکہ قدرتی وسائل غا تحفظ وستے

JK NHW'S

